

Agosto
20
26

RHAPSODY Sa Mga REYALIDAD

Para Sa Unang
Mga Magbasa



Chris
Oyakhilome

Say

Yes!
TO KIDS
CAMPAIGN





RHAPSODY

Sa
Mga

REYALIDAD

Para Sa Unang
Mga Magbasa

ISSN 1596-6984

AGOSTO 2026

Tanang katungod kay gigahin ubos sa International Copyright law.

Ang mga sulod ug/o tabon mahimong dili gikopya sa tibuok o sa bahin sa bisan unsa porma nga walay express nga gisulat pagtugot sa Loveworld Publishing. Gawas kung gipahibalo, tanan Mga kinutlo sa kasulatan ug makalingaw nga mga bahin gikuha gikan sa New King James Version sa Bibleya.

UNITED KINGDOM:

Unit C2, Thames View Business
Centre, Barlow Way, Rainham,
Essex, RM13 8BT.
Tel.: +44 (0)1708 556 604
+44 (0) 8001 310 604

CANADA:

4101, Steeles Ave., West.
Suite 204, Toronto, Ontario,
Canada M3N 1V7.
Tel.: +1 416 667 9191

SOUTH AFRICA:

303, Pretoria Avenue,
Cnr. Harley and Braam
Fischer,
Randburg, Gauteng, 2194,
South Africa.
Tel.: +27 11 326 0971

KEYS FOR OTHER VERSIONS

GW - GOD'S WORD

CEV - CONTEMPORARY ENGLISH VERSION

TLB - THE LIVING BIBLE

NLT- NEW LIVING TRANSLATION

USA:

Loveworld Publishing USA,
28, Prestige Circle,
Suite 1100,
Allen TX 75002.
Tel.: +1 (469) 656-1284
+1 (800) 620-8522

NIGERIA:

Plot 105, Chris Oyakhilome
Crescent, Durumi, Abuja.

Plot 22/23, Billingsway Road,
Oregun, Ikeja, Lagos.
P.O. BOX 13563 Ikeja, Lagos.
Tel.: +234 201 8888 186
+234 201 3300 102

E-mail:

info@kiddiesloveworld.com

Website:

www.kiddiesloveworld.com

Copyright © 2026 by Loveworld Publishing



Mga Sulod

Artikulo

Mga Panid 6-17

Mga Kamatuoran Sa Bibliya

Mga Panid 18-19

Artikulo

Mga Panid 20-31

Dula Ug Kalihokan

Mga Panid 32-33

Artikulo

Mga Panid 34-39

Dula Ug Kalihokan

Mga Panid 40-41

Titbits


Mga Panid
42-43

Mga Tubag

Mga Panid 44-46

Pag-Ampo Sa Kaluwasan

Panid 48



Edad:

Ngalan:

Maayong Pag-Abot Sa Bulan Sa **AGOSTO**



Kumusta dinha ug maayong pag-abot sa usa ka maayo ug kulbahinam nga bulan uban sa imong paborito nga debosyonal, **Rhapsody Sa Mga Reyalidad Para sa Unang Magbabasa**. Nanghinaut ko nga nalingaw ka sa makapadasig nga mga mensahe niini.

Kini nga edisyon kay puno sa makaiikag nga mga artikulo sama sa Gipadala Ka Sa Dios, Ang Kinabuhi Sa Dios Kay Anaa Kanim, Tun-i Ang Pulong Sa Dios, Lakaw Diha Sa Kamatuoran Sa Dios, Natawo Gikan Sa Pulong ug daghan pa.

Unsa pa? Adunay puno sa kalingawan, kulbahinam nga mga dula ug mga puzzle alang kanimo. Adunay usab usa ka espesyal nga Titbit sa **“Ang Kinahanglan Nimong Mahibaloan Bahin sa Pag-ebanghelyo-Bahin 2.”** Kining tanan anaa niining edisyon sa imong inspirational nga inadlaw nga debosyonal, Rhapsody Sa Mga Reyalidad Para sa Unang Magbabasa. Hinumdomi ang pagkuha sa mga pagkumpisal ug mga pag-ampo sa katapusan sa matag artikulo. Panalanginan ka sa Dios.



I-scan para mas
makadani mga
programa sa mga
bata

Sabado

1

Gipadala Ka Sa Dios

Juan 1:6

Adunay usa ka tawo nga gipadala gikan sa Dios, nga ang ngalan kay mao si Juan.



Nasayod ka ba nga gipadala ka sa Dios aron mosidlak alang Kaniya? Ang Bibliya nagsulti kanato mahitungod kang Juan, usa ka tawo nga gipadala sa Dios aron mosulti sa mga tawo mahitungod kang Jesus. Sa susamang paagi, gipadala ka usab sa Dios.

Wala ka sa yuta sa aksidente. Anak ka sa Dios, ug ang imong kinabuhi adunay espesyal nga katuyoan. Si Jesus miingon, “Ingon nga ang Amahan nagpadala Kanako, Ako usab nagpadala kaninyo” (Juan 20:21).

Nagpasabot kini nga makatabang ka sa uban nga makaila Kaniya. Kung mosulti ka nga maluluy-on, mag-ampo, ug mosulti sa imong mga higala bahin kang Jesus, nagpamatuod ka alang Kaniya. Pagmaisogon ug pagmalipayon. Gipadala ka sa Dios aron ipakita ang Iyang kahayag ug tabangan ang uban nga mosunod Kaniya.

Pagbasa sa Kasulatan- Mga Buhat 5:29-32

Mahigugmaong Amahan, salamat sa pagpadala kanako aron ipadan-ag ang Imong kahayag. Nagpahayag ako nga maisog ug epektibo ako sa pagsugilon sa uban mahitungod kang Jesus, ug sa pagtabang kanila nga makaila ug mosunod Kanimo, sa ngalan ni Jesus. Amen.

6

**Mag-
ampo
Kita**

Dominggo

2

Ang Pulong Sa Dios Kay Naglihok Diha kanimo

Colosas 1:27

...Si Cristo diha kaninyo, ang paglaom sa himaya.



Sa dihang mahimo kang anak sa Dios, ang Iyang Pulong magsugod sa pagkinabuhi ug paglihok diha kanimo. Nagpasabot kini nga ang imong mga pulong ug mga buhat angayng magpakita sa Pulong sa Dios nga anaa sa imong kasingkasing. Gipakita kini kanato ni Jesus sa dihang nagkinabuhi Siya dinhi sa yuta.

Ang tanan nga Iyang gibuhath nagpadayag sa gugma, kaalam, ug gahum sa Dios. Sa samang paagi, ang Pulong sa Dios naggiya sa imong hunahuna, pulong, ug buhat kada adlaw. Kung maayo ang imong pagsulti, pasayloa ang uban, pag-ampo, ug buhata ang giingon sa Bibliya, imong gipakita sa uban ang Pulong sa Dios.

Ang imong kinabuhi mahisama sa usa ka sulat nga mabasa sa mga tawo, nga nagpakita kanila kon kinsa si Jesus. Papuy-a ang Pulong sa Dios diha kanimo, ug pasid-laka kini pinaagi kanimo bisan asa ka moadto.

Pagbasa sa Kasulatan-2 Corinto 3:2-3

Mahalon ug mahigugmaong Amahan, salamat sa Imong Pulong nga nagpuyo sa akong kasingkasing. Nagkinabuhi ako subay sa Imong Pulong, ug ang Imong gugma, kaalam, ug gahom makita sa akong kinabuhi matag adlaw, sa ngalan ni Jesus. Amen.

Mag-
ampo
Kita

7

Lunes

3

Ang Tinuod Nga Pagsimba Nagagikan Sa Kasingkasing

Mga Salmo 141:2

Himoa nga ang akong pag-ampo mahimong sama sa insenso sa Imong atubangan, ug ang pagbayaw sa akong mga kamot sama sa halad sa kahaponon.



Ang pagsimba sa Dios usa ka butang nga talagsaon kaayo. Ang Bibliya nagtudlo kanato nga ang tinuod nga pagsimba naggikan sa atong mga kasingkasing.

Usahay, ang mga tawo mangpakpak kon sila naghinam-hinam o malipayon; mahimo kining paagi sa pagpadayag sa kalipay. Apan ang tinuod nga pagsimba labaw pa kay sa pagpakpak. Ang tinuod nga pagsimba mao ang pagpakigsulti sa Dios, pag-awit ngadto Kaniya, pag-ampo, ug pagbayaw sa imong mga kamot uban ang gugma ug pagtahod.

Miingon si Jesus nga gusto sa Dios nga simbahon nato Siya diha sa espiritu ug sa kamatuoran (Juan 4:23-24). Nagpasabot kini nga ang atong mga kasingkasing kinahanglang nakapokus Kaniya. Kung mag-ampo, mag-awit, ug magpasalamat ka sa Dios nga kinasingkasing, gihatag nimo Kaniya ang pagsimba nga angay Kaniya.

Pagbasa sa Kasulatan- Juan 4:23-24

Mahigugmaong Amahan sa langit, gisimba ko Ikaw sa tibuok kong kasingkasing. Ang akong mga pulong, mga awit, ug mga pag-ampo nagpasidungog Kanimo karon ug sa kanunay. Salamat sa pagtudlo kanako kon unsaon pagsimba Kanimo sa tinuod, sa ngalan ni Jesus. Amen.

Mag-ampo Kita

Martes

4

Paglitok Og Mga Pulong Nga Nahiuyon Sa Dios

Malaquias 3:13

"Mapintas ang inyong mga pulong batok Kanako," nag-ingon ang Ginoo...



Ang Dios maminaw sa mga pulong nga atong isulti. Sa Bibliya, adunay mga tawo nga nagsulti sa paagi nga wala mahiuyon sa gisulti sa Dios. Wala gani sila makaamgo nga ang ilang mga pulong supak Kaniya.

Gusto sa Dios nga ang atong mga pulong mahiuyon sa Iyang kamatuoran. Ang Iyang Pulong nag-ingon nga kita gipanalanginan, lig-on, ug giatiman Niya. Busa, imbes nga magsulti og mga negatibong butang, angay natong isulti ang giingon sa Dios. Ang Bibliya nagtudlo nga ang kinabuhi ug kamatayon anaa sa gahom sa dila (Mga Panultihon 18:21).

Kung imong gilitok ang Pulong sa Dios, gipuno nimo ang imong kinabuhi sa pagtuo ug kadaugan. Pilia kanunay ang mga pulong nga nahiuyon sa gisulti sa Dios diha sa Iyang Pulong.

Pagbasa sa Kasulatan-2 Corinto 4:13

Mahigugmaong Amahan, salamat sa pagtudlo kanako sa pagsulti og mga pulong nga nahiuyon sa Iyong kamatuoran. Ang akong mga pulong kay puno sa pagtuo, kinabuhi, ug kadaugan matag adlaw, sa ngalan ni Jesus. Amen.

Mag-ampo Kita

9

Miyerkules

5

Gihimo Ka Sa Dios Nga matarong

2 Corinto 5:21

Kay gihimo Niya nga sala alang kanato ang wala makaila ug sala, aron kita mahimong pagkamatarong sa Dios diha Kaniya.



Nagbuhat ang Dios og talagsaong butang alang kanato pinaagi kang Jesus. Wala gayud makasala si Jesus, apan gipulian Niya kita aron mahimo kitang matarong atubangan sa Dios. Nagpasabot kini nga sa dihang dawaton nimo si Jesus, giisip ka sa Dios nga limpyo, gidawat, ug adunay husto nga relasyon uban Kaniya.

Wala ka naningkamot nga mahimong matarong pinaagi sa imong kaugalingong mga paningkamot —gihimo ka na sa Dios nga matarong diha kang Cristo. Nindot kaayo kana nga gasa! Tungod niini, makaduol ka sa Dios uban ang kalipay ug pagsalig.

Hinumdomi kanunay kung kinsa ka diha kang Cristo: usa ka anak sa Dios nga gihimong matarong pinaagi kang Jesus.

Pagbasa sa Kasulatan- Roma 5:1

Ako ang pagkamatarong sa Dios diha kang Cristo Jesus. Gidawat ako, gihigugma, ug maisog diha sa atubangan sa Dios. Aleluya!

**Isulti
Kini**

Huwebes

6

Tan-awa Ang Imong Kaugalingon Sa Paagi Nga Ang Dios Naglan-aw Kanimo

1 Pedro 2:9

**Apan kamo usa ka pinili nga kaliwatan,
usa ka harianong pagkapari, usa ka balaan
nga nasod, ang Iyang kaugalingong
espesyal nga katawhan...**



Gusto sa Dios nga makita nimo ang imong kaugalingon sa paagi nga nakita ka Niya. Pinaagi kang Jesus, nahimo kang pagkamatarong sa Dios. Nagpasabot kini nga ikaw ang Iyang hinigugmang anak, nga puno sa Iyang kinabuhi ug kaayo.

Kung masabtan nimo kini, mabag-o ang imong paagi sa paghunahuna ug paglihok. Dili ka na mobati nga gamay o mahadlok. Hinuon, magkinabuhi ka nga puno sa pagsalig, kay nasayod ka nga anaa ang Dios uban kanimo.

Paghunahuna, pagsulti, ug pagpuyo ang kinabuhi isip talagsaong anak sa Dios nga ikaw gayod matag adlaw.

Pagbasa sa Kasulatan- Isaia 54:17

**Minahal nga Amahan sa langit,
salamat sa paghimo kanako nga
Imong matarong nga anak. Nakita
nako ang akong kaugalingon sumala
sa pagtan-aw Nimo kanako, ug
nagkinabuhi ako uban ang pagsalig
ug kalipay matag adlaw, sa ngalan ni
Jesus. Amen.**

**Mag-
ampo
Kita**

11

Biyernes

7

Gipakita Kanato Ni Jesus Kon Unsa Ang Dios.

Colosas 1:19

Kay gikahimut-an sa Amahan nga diha Kaniya mopuyo ang tanang kahingpitan.



Si Jesus kay labaw pa sa usa ka bantugang magtutudlo o maayong tawo.

Nagtudlo ang Bibliya nga ang tibuok kahingpitan sa Dios nagpuyo diha Kaniya. Nagpasabot kini nga kon makita nato si Jesus, makita nato kon unsa ang kinaiya sa Dios. Gipakita ni Jesus ang gugma, kaayo, kaalam, ug gahom sa Dios bisan asa Siya moadto. Mitabang Siya sa mga tawo, nag-ayo sa mga masakiton, ug nagtudlo kanila mahitungod sa Gingharian sa Dios. Mao kana ang hinungdan nga miingon si Jesus, "...Ang nakakita kanako nakakita sa Amahan..." (Juan 14:9).

Kon mas mailhan nimo si Jesus, mas masabtan nimo ang gugma ug kaayo sa Dios.

Pagbasa sa Kasulatan- Juan 14:9

Mahigugmaong Amahan, salamat sa pagpadayag kanamo kon kinsa Ka pinaagi kang Jesus. Samtang nagkat-on ako mahitungod Kaniya diha sa Imong Pulong, nagkadako ang akong pag-ila ug paghigugma Kanimo matag adlaw, sa ngalan ni Jesus. Amen.

12

Mag-
ampo
Kita

Sabado

8

Ang Gamhanang Ngalan Ni Jesus

Filipos 2:10

...sa ngalan ni Jesus, ang tanang tuhod kinahanglang moluhod...



Gamhanan kaayo ang Ngalan ni Jesus. Gihatagan Siya sa Dios og Ngalan nga labaw sa tanang ubang ngalan.

Nag-ingon ang Bibliya nga sa Ngalan ni Jesus, ang tanang tuhod kinahanglang moluhod—sa langit, sa yuta, ug sa ilalom sa yuta. Nagpasabot kini nga walay labaw pa kay sa Iyang Ngalan. Kung mag-ampo ka sa Ngalan ni Jesus, gigamit nimo ang awtoridad nga gihatag Niya kanimo. Mao kana ang hinungdan nga gilitok nato ang Iyang Ngalan uban ang pagtuo ug pagtahod.

Bisan kung nag-ampo ka, nagpasalamat sa Dios, o nagtabang sa uban nga makaila Kaniya, hinumdomi nga ang Ngalan ni Jesus nagdala og gahom, kadaugan, ug kaluwasan.

Pagbasa sa Kasulatan- Colosas 2:3

Gamhanan ang Ngalan ni Jesus.
Gilitok nako ang Iyang Ngalan
uban ang pagtuo, ug nagkinabuhi
ako nga madaugon matag adlaw.
Aleluya!

**Isulti
Kini**

13

Dominggo

9

Pagmaisogon Alang Sa Ginoo

Mga Buhat 2:4

Ug silang tanan napuno sa Espiritu Santo ug misugod sa pagsulti sa nagkalain-laing mga pinulongan, sumala sa gihatag kanila sa Espiritu nga isulti.



Sa wala pa makadawat si Pedro sa Espiritu Santo, siya nahadlok, ug gani milimod nga siya nakaila ni Jesus (Mateo 26:69–75). Apan human niya madawat ang Balaang Espiritu, nausab ang tanan (Mga Buhat 2:1–4).

Nahimong maisog si Pedro ug misugod sa pagwali mahitungod kang Jesus. Sa usa ka espesyal nga adlaw, liboan ka mga tawo ang mituo sa Ginoo tungod sa iyang mensahe (Mga Buhat 2:41). Unsay nakapahimo niini nga lahi? Ang gahom sa Espiritu Santo nga naglihok diha kaniya.

Ang sama nga Espiritu Santo kay nagpuyo diha kanimo karon. Motabang Siya kanimo nga magmaisogon, mosulti mahitungod kang Jesus, ug mobuhat sa matarong. Wala ka naginusara. Uban sa Espiritu Santo diha kanimo, makapuyo ka nga maisogon ug makapadanag alang sa Ginoo matag adlaw.

Pagbasa sa Kasulatan-Mga Buhat 2:41

Mahigugmaong Amahan, salamat sa paghatag kanako sa Espiritu Santo aron motabang kanako matag adlaw. Maisog ug lig-on ako, ug malipayon nakong gisultihan ang uban mahitungod kang Jesus.

14

**Mag-
ampo
Kita**

Lunes

10

Ang Kinabuhi Sa Dios Kay Anaa Kanimong

2 Pedro 1:4

...nga pinaagi niini mahimo kamong mga mag-aambit sa balaanong kinaiya...



Sa dihang dawaton nimo si Jesus sa imong kinabuhi, adunay dakong butang nga mahitabo; ang kinabuhi sa Dios mosulod kanimo.

Nag-ingon ang Bibliya nga kita mahimong mga mag-aambit sa kinaiya sa Dios. Nagpasabot kini nga ang kinabuhi sa Dios naglihok diha kanimo aron pagtabang kanimo nga makapuyo sa kinabuhi nga madaugon. Tungod kay anaa kanimo ang kinabuhi sa Dios, mahimo kang lig-on, malipayon, ug puno sa kaisog. Nahinumdom ka ba kang Timoteo sa Bibliya?

Maulawon siya, apan gipahinumdoman siya ni Pablo nga ang Espiritu nga anaa kaniya naghimo kaniya nga lig-on ug maisog (2 Timoteo 1:6-7).

Ang kinabuhi sa Dios kay nakapausab sa tanan. Ang maong Espiritu kay anaa kanimo karon, nagtabang kanimo sa pagkinabuhi uban ang kalig-on, kaisog, ug kalipay matag adlaw.

Pagbasa sa Kasulatan- Mga Buhat 4:13

Ang kinabuhi sa Dios kay ania kanako. Lig-on ako, maisog, ug puno sa kalipay tungod kay ania kanako ang balaan nga kinaiya sa Dios. Aleluya.

Isulti
Kini

15

Martes

11

Ikaw Ang Espesyal Nga Anak Sa Dios.

1 Pedro 2:9

Apan kamo kay usa ka pinili nga kaliwatan, usa ka harianong pagkapari, usa ka balaan nga nasod, ang Iyang kaugalingong espesyal nga katawhan...



Nasayod ka ba nga espesyal kaayo ka sa Dios? Nag-ingon ang Bibliya nga kabahin ka sa pinili nga kaliwatan ug espesyal nga katawhan sa Dios. Nagpasabot kini nga iya ka, ug gimahal ka niya pag-ayo.

Gitawag ka sa Dios gikan sa kangitngit ngadto sa Iyang kahibulongang kahayag aron ikaw makapakita sa Iyang kaayo ngadto sa uban. Ang imong mga pulong, mga buhat, ug kaayo makatabang sa mga tawo nga makita kon unsa ka kahibulongan ang Dios. Kon magkinabuhi ka sumala sa gitudlo sa Dios diha sa Iyang Pulong, modan-ag ka pag-ayo alang Kaniya.

Hinumdomi kanunay nga dili ka ordinaryo. Espesyal ka nga anak sa Dios, gipili aron ipakita ang Iyang gugma ug kaayo ngadto sa kalibotan.

Pagbasa sa Kasulatan- Colosas 1:12-13

Mahigugmaong Dios, salamat sa pagpili kanako isip Imong espesyal nga anak. Tabangi ako nga mapadan-ag ang Imong kahayag ug ipakita ang Imong kaayo bisan asa ako moadto, sa ngalan ni Jesus. Amen.

16

Mag-
ampo
Kita

Miyerkules

12

Gipanalanginan Ka Diha Kang Cristo

1 Pedro 3:9

Dili mobalos og daotan sa daotan o manaway sa pagpanaway, hinuon, magpanalangin hinuon, kay nasayod kamo nga gitawag kamo alang niini, aron makapanunod kamo og panalangin.



Isip anak sa Dios, gitawag ka aron magkinabuhi nga puno sa mga panalangin. Nag-ingon ang Bibliya nga gitawag ka aron makadawat sa panalangin. Nagpasabot kini nga gusto sa Dios nga adunay maayong mga butang nga mahitabo sa imong kinabuhi. Sa dihang dawaton nimo si Jesus, mahimong bag-ong binuhat ka, ug nahisakop ka sa pamilya sa Dios.

Walay tunglo, kahadlok, o gahom sa kangitngit ang makakontrol sa imong kinabuhi. Gipanalanginan ka na sa Dios diha kang Cristo. Busa imbes nga mahadlok, hinumdomi kon kinsa ka.

Ikaw kay anak sa Dios, ug anaa kanimo ang lyang panalangin. Lakaw uban ang kalipay ug pagsalig matag adlaw kay ikaw iya sa Ginoo.

Pagbasa sa Kasulatan- Efeso 1:3

Gipanalanginan ako diha kang Cristo. Ang mga panalangin sa Dios naglihok sa akong kinabuhi, ug nagkinabuhi ako uban ang kalipay, kadaugan, ug kalinaw matag adlaw. Aleluya!

**Isulti
Kini**

17

MGA KAMATUORAN SA BIBLEYA

Bahin Sa



PAGKAMATINUMANON

1. Si Jesus ang atong hingpit nga panig-ingnan sa pagkamasinugfanon. Misunod Siya sa Dios sa tanang butang, bisan pa sa mga higayon nga kini lisod (Juan 12:26).

2. Kon kita motuman sa Dios, gipakita nato nga gihigugma nato Siya. Miingon si Jesus, "Kon gihigugma ninyo Ako, tumana ang Akong mga sugo" (Juan 14:15).

3. Kon kita motuman sa Dios, gipakita nato nga ang atong mga kasingkasing Iya. Ang pagkamatinumanon nagpamatuod sa atong gugma ug debosyon (Juan 14:15).

4. Gipanalanginan sa Dios kadtong mga nagsunod Kaniya. Miingon Siya, "Kon tinuod gayod nga motuman kamo sa Akong tingog ug magbantay sa Akong kasabotan, mahimo kamong espesyal nga bahandi alang Kanako" (Exodo 19:5).

5. Ang pagkamatinumanon nagdala og mga maayong butang sa atong kinabuhi. "Ug mahitabo nga kon inyong patalinghogan pag-ayo ang tingog sa Ginoo

MGA KAMATUORAN SA BIBLEYA



nga inyong Dios... kining tanan nga mga panalangin moabot kaninyo" (Deuteronomio 28:1-2).

6. Ang pagkamasinugtanon nagdala og mga panalangin ug maayong mga butang. "Kon kamo andam ug masinugtanon, makatagamtam kamo sa mga kaayohan sa yuta" (Isaias 1:19).

7. Gipasidunggan sa Dios ang mga nagatuman ug nagaalagad Kaniya. Miingon si Jesus, "Kon adunay mag-alagad Kanako, pasidunggan siya sa Akong Amahan" (Juan 12:26).

8. Gigiyahan sa Dios ang mga nagsunod Kaniya. "Makadungog ang imong mga dalunggan og tingog gikan sa imong likod nga nag-ingon, 'Mao kini ang dalan, lakaw niini'" (Isaias 30:21).

9. Ang pagtuman sa Dios mahimong mosangpot sa mga milagro. Sa dihang mituman si Pedro kang Jesus, nakakuha siya og daghang isda (Lucas 5:5-6).

10. Ang mga anak kinahanglang mosunod sa ilang mga ginikanan diha sa Ginoo. "Mga anak, tumana ninyo ang inyong mga ginikanan sa tanang butang, kay kini makapahimuot pag-ayo sa Ginoo" (Colosas 3:20).

Huwebes

13

Kagawasan Pinaagi Sa Pulong Sa Dios

Juan 8:32

Ug mahibalo kamo sa kamatuoran, ug ang kamatuoran magpagawas kaninyo.

Gusto sa Dios nga mahibalo ka sa Iyang Pulong tungod kay ang Iyang kamatuoran nagdala og kagawasan.

Kung ang mga tawo wala mahibalo kon unsay giingon sa Dios mahitungod kanila, mahimo silang mahadlok o maghunahuna nga adunay sayop sa ilang kinabuhi. Apan kon imong tun-an ang Pulong sa Dios, mahibaloan nimo kon kinsa gayod ikaw. Nag-ingon ang Bibliya nga ikaw gipanalanginan, gihigugma, ug gipanalipdan sa Dios (Mga Salmo 5:12).

Ang pagkahibalo niining kamatuoran nagpuno sa imong kasingkasing sa pagtuo ug kaisog. Ang Pulong sa Dios nagpakita kanimo nga makapuyo ka nga labaw sa kahadlok ug sa tanang gahom sa kangitngit. Samtang imong gitun-an ug gituohan ang Iyang Pulong, magpuyo ka diha sa kagawasan ug kadaugan nga gihatag sa Dios kanimo.

Pagbasa sa Kasulatan-2 Corinto 5:17

Langitnong Amahan, salamat sa Imong Pulong nga nagtudlo kanako sa kamatuoran. Samtang nagkat-on ug nagtuo ako niini, nagkinabuhi ako nga may kagawasan, kaisog, ug kadaugan matag adlaw, sa ngalan ni Jesus. Amen.

20

**Mag-
ampo
Kita**

Biyernes

14

Si Jesus Ang Ginoo Sa Imong Kinabuhi

Mga Buhat 20:32

Busa karon, mga igsoon, itugyan ko kamo ngadto sa Dios ug ngadto sa pulong sa iyang grasya, nga makahimo sa pagpalig-on kaninyo...



Sa dihang dawaton nimo si Jesus, mahimo Siya nga Ginoo sa imong kinabuhi. Nagpasabot kini nga gipili nimo ang pagsunod Kaniya ug ang pagkinabuhi sumala sa Iyang gitudlo kanimo.

Gigiyahan ka ni Jesus pinaagi sa Iyang Pulong, ang Bibliya. Ang Iyang Pulong nagpakita kanimo kon unsa ang husto ug nagtabang kanimo sa paghimo og maayong mga desisyon matag adlaw. Kon maminaw ka sa Pulong sa Dios ug motuman niini, gipakita nimo nga si Jesus tinuod gayod nga Ginoo sa imong kinabuhi. Ang Iyang Pulong makatabang kanimo nga molig-on ang imong pagtuo ug magkinabuhi sa paagi nga makapahimuot sa Dios.

Kanunay hinumdomi ang pagpaminaw sa Iyang Pulong, ug sunda kini uban ang kalipay.

Pagbasa sa Kasulatan- Santiago 1:21

Mahigugmaong Amahan sa langit, salamat kang Jesus, nga mao ang Ginoo sa akong kinabuhi. Tabangi ako nga kanunayng maminaw sa Imong Pulong ug mosunod niini uban ang kalipay matag adlaw, sa ngalan ni Jesus. Amen.

**Mag-
ampo
Kita**

21

Sabado

15

Ang Pulong Sa Dios Kay Magpalig-on Kanimo

Efeso 6:10-11

Sa katapusan, mga igsoon ko, paglig-on kamo diha sa Ginoo ug sa gahom sa iyang kusog. Isul-ob ninyo ang tibuok nga hinagiban sa Dios, aron makabarog kamo batok sa mga limbong sa yawa.



Gamhanan kaayo ang Pulong sa Dios. Nag-ingon ang Bibliya nga makapalig-on kini kanimo (Mga Buhat 20:32).

Kung magbasa, maminaw, ug mamalandong ka sa Pulong sa Dios, makatabang kini aron motubo ang imong pagtuo. Mopahinumdom usab kini kanimo sa mga kahibulongang panalangin nga giandam sa Dios alang sa iyang mga anak. Samtang nagkadaghan ang imong nakat-onan gikan sa Pulong sa Dios, nagkadako usab ang imong pagsalig ug kalipay.

Busa, paggahin og panahon sa pagtuon sa Bibliya ug paminaw pag-ayo kon kini gitudlo. Ang Pulong sa Dios mogiya kanimo ug motabang kanimo nga makabaton og nindot nga kinabuhi.

**Pagbasa sa Kasulatan-
Mga Salmo 119:105**

**Ang Pulong sa Dios kay
naglihok sulod kanako.
Nagpalig-on kini kanako ug
naggiya kanako matag adlaw.
Aleluya!**

**Isulti
Kini**

Dominggo

16

Pagkat-on Sa Pulong Sa Dios

2 Timoteo 2:15

Paningkamot nga ipresentar ang imong kaugalingon nga giuyonan sa Dios, usa ka mamumuo nga walay angay ikauwaw, nga nagapresentar sa husto nga paagi sa pulong sa kamatuoran.



Gusto sa Dios nga mahibalo ang Iyang mga anak sa Iyang Pulong. Nag-ingon ang Bibliya nga mahimong makasulod sa kasamok ang mga tawo kon wala sila mahibalo sa gisulti sa Dios (Oseas 4:6).

Kon imong tun-an ang Pulong sa Dios, makatabang kini kanimo nga masabtan kon unsaon pagkinabuhi ug paghimo sa hustong mga desisyon. Makatabang usab kini aron molig-on ang imong pagtuo. Sama sa lampara nga naghatag og kahayag sa kangitngit, ang Pulong sa Dios kay nagpakita kanimo sa hustong dalan nga angay sundon. Samtang nagkadugay ang imong pagtuon sa Bibliya ug pagpaminaw kon kini gitudlo, mas mahimo kang maalamon.

Kanunay nga higugmaa ug tun-i ang Pulong sa Dios, kay kini nagagiya ug nagatabang kanimo sa pagkinabuhi nga puno sa kalipay ug kadaugan.

Pagbasa sa Kasulatan-2 Timoteo 3:16-17

Mahalon ug mahigugmaong Amahan, salamat sa Imong Pulong nga nagtudlo ug naggiya kanako matag adlaw. Tabangi ako nga higugmaon ang Imong Pulong ug tun-an kini aron kanunay akong makalakaw diha sa Imong kamatuoran, sa ngalan ni Jesus. Amen.

**Mag-
ampo
Kita**

23

Lunes

17

Gamita Ang Pulong Sa Dios Aron Magmaogon

Lucas 4:4

...Ang tawo dili mabuhi pinaagi lamang sa pan, kondili pinaagi sa matag pulong sa Dios.



Sa dihang gitintal si Jesus sa yawa, wala Siya makiglantugi o mahadlok. Hinuon, mitubag Siya gamit ang Pulong sa Dios. Sa matag higayon nga gisulayan Siya sa yawa sa pagtintal, Miingon si Jesus, "Nahisulat," ug gikutlo Niya ang Kasulatan (Mateo 4:1-11).

Nasayod si Jesus sa Pulong sa Dios, ug nakatabang kini Kaniya nga magpabiling lig-on. Nagtudlo kini kanato og usa ka importante nga butang. Kon nasayod ka sa Pulong sa Dios, magamit nimo kini aron batokan ang sayop nga mga hunahuna, kahadlok, ug tintasyon.

Ang Pulong sa Dios kay naghatag og direksyon ug kalig-on sa imong pagtuo. Samtang imong gikat-onan ug gipahayag kini, kanunay kang makabaton sa kaalam ug kaisog sa paghimo sa husto nga mga desisyon.

Pagbasa sa Kasulatan- Efeso 6:17

Ang Pulong sa Dios nagpuyo sa akong kasingkasing. Nasayod ako sa kamatuoran, ug gigamit nako ang Pulong sa Dios aron magpabiling lig-on ug magkinabuhi nga madaogon matag adlaw. Aleluya!

24

**Isulti
Kini**

Martes

18

Pagpasakop Sa Ginoong Jesus

Santiago 4:7

Busa, pagpasakop kamo sa Dios. Sukli ninyo ang yawa ug mokalagiw siya gikan kaninyo.



Gusto ni Jesus nga magkinabuhi ka ubos sa Iyang pagka-Ginoo matag adlaw. Nagpasabot kini nga tugotan nimo Siya sa paggiya kanimo, ug buhaton nimo ang Iyang gisulti diha sa Iyang Pulong.

Kung tinuod kang motugyan ngadto kang Jesus, ang Iyang gahom mas gawasnong molihok sa imong kinabuhi. Ang uban nagtuo nga ang pag-ampo ug pagpuasa mga paagi lamang aron mapalihok ang dugang gahom, apan makatabang usab kini aron ang imong kasingkasing mas motugyan ngadto sa Ginoo.

Kon mas mosurender ka kang Jesus, mas molig-on ang imong pagtuo. Unya makabarog ka batok sa yawa nga walay kahadlok. Hinumdomi kanunay: si Jesus ang Ginoo, ug samtang malipayon nimong gisunod Siya, maglakaw ka diha sa Iyang kadaugan ug kalig-on.

Pagbasa sa Kasulatan- Filipos 2:9-11

Mahimayaang Amahan, salamat sa pagtudlo kanako sa pagpasakop sa pagka-Ginoo ni Jesus. Malipayon akong nagsunod sa Imong Pulong, ug ang Imong gahom gawasnong naglihok sulod kanako matag adlaw, sa ngalan ni Jesus. Amen.

**Mag-
ampo
Kita**

25

Miyerkules

19

Salig Sa Dios Dili Sa Mga butang

Mga Panultihon 3:5-6

Salig sa Ginoo sa tibuok nimong kasingkasing, ug ayaw pagsalig sa imong kaugalingong pagsabot; ilaha Siya sa tanan mong mga pamaagi, ug Siya magtultol sa imong mga agianan.



Isip anak sa Dios, ang imong pagtuo kinahanglan kanunay nga anaa sa Dios ug sa Iyang Pulong, dili sa mga butang.

Ang pipila ka tawo nagtuo nga nagkinahanglan sila ug mga espesyal nga butang, sama sa mga panyo, tubig, o uban pang mga butang, aron makadawat og tabang gikan sa Dios. Apan nagtudlo ang Bibliya nga ang atong relasyon sa Dios wala gibase sa mga butang. Gisultihan kita sa Bibliya nga ang mga panyo ug mga apron ni Pablo nakapaayo sa mga masakiton (Mga Buhat 19:11-12), apan wala gayod Niya kita tudloi nga magsalig kanila.

Ang Dios nagpuyo diha kanimo pinaagi sa Iyang Espiritu, ug mahimo kang makigsulti Kaniya bisan asa ug bisan kanus-a. Ang imong mga pag-ampo, ang imong pagtuo, ug ang imong pagsalig sa Iyang Pulong mao ang labing importante. Hinumdomi kanunay nga ang Dios naminaw kanimo ug nagpakabana kanimo. Ibutang ang imong pagsalig Kaniya ug sa giingon sa Iyang Pulong.

Pagbasa sa Kasulatan- Jeremias 17:7

Minahal ug matinud-anon nga Amahan, salamat sa pagtudlo kanako sa pagsalig Kanimo sa tibuok kong kasingkasing. Ang akong pagtuo anaa sa Imong Pulong, ug nasayod ako nga kanunay Ka uban kanako, sa ngalan ni Jesus. Amen.

26

**Mag-
ampo
Kita**

Huwebes

20

Usa Ka Panalangin Ka

Genesis 12:2

...Panalanginan ko ikaw ug himoon kong bantogan ang imong ngalan; ug ikaw mahimong panalangin.



Isip anak sa Dios, imo ang tanang butang. Busa, dili na kinahanglan nga mabalaka ka sa bisan unsa.

Hinumdomi, si Abraham usa ka panalangin ug tungod kaniya, ang iyang ig-agaw nga si Lot gipanalanginan usab (Genesis 13:5-6). Kung gusto sa Dios nga panalanginan ang usa ka tawo, ipadala ka Niya ngadto kanila tungod kay gipanalanginan ka na Niya sa tanang panalangin, aron mahimo kang panalangin alang kanila.

Kung ang imong higala o bisan kinsa sa imong palibot mobati og kasakit sa ilang lawas, mahimo silang maayo samtang nag-ampo ka ug nagpandong sa imong mga kamot kanila, tungod kay ang Dios nagpuyo diha kanimo.

Pagdesisyon nga mahimong panalangin sa tanan nimong mahimamat.

Pagbasa sa Kasulatan- Efeso 1:3

Salamat, mahal nga Amahan, sa paghimo kanako nga panalangin sa akong kalibotan. Pinaagi kanako, mahibaloan sa uban ang Imong gugma, grasya, ug himaya, sa ngalan ni Jesus. Amen.

Mag-ampo Kita

27

Biyernes

21

Simbaha Ang Dios Gikan Sa Imong Kasingkasing.

Juan 4:24

**Ang Dios kay Espiritu, ug ang mga
nagsimba Kaniya kinahanglan mosimba diha
sa espiritu ug sa kamatuoran.**



Gikalipay sa Dios kon kita mosimba Kaniya sa kinasingsing. Ang tinuod nga pagsimba kay dili gikan sa pagpasigarbo o pagsunod sa mga tradisyon nga walay unod. Gikan kini sa kasingkasing nga nahigugma sa Dios.

Kung mag-ampo, mag-awit, ug magpasalamat ka sa Dios nga kinasingsing, naghatag ka og tinuod nga pagsimba. Dili nimo kinahanglan ang mga espesyal nga butang o lihok aron simbahan ang Dios, kay nagpuyo Siya diha kanimo pinaagi sa Iyang Espiritu. Ang imong mga awit, mga pag-ampo, ug mga pulong sa pagdayeg nga naggikan sa imong kasingkasing bililhon alang Kaniya.

Simbaha kanunay ang Dios uban ang gugma, kalipay, ug pagkamatitud-anon, nga nasayod nga naminaw Siya ug nalipay sa pagdayeg sa Iyang mga anak.

Pagbasa sa Kasulatan- Mga Salmo 95:6

**Nagsimba ako sa Dios gikan
sa akong kasingkasing. Ang
akong mga awit, pag-ampo, ug
pagdayeg puno sa gugma alang
Kaniya matag adlaw. Aleluya!**

28

**Isulti
Kini**

Sabado

22

Padayon Sa Pagkat-on Ug Paglambo

2 Pedro 1:5

Apan tungod usab niining hinungdan, samtang naghimo kamo sa tanang kakugi, dugangi ang inyong pagtuo og hiyas, ug ang hiyas og kahibalo.



I-scan aron
makakuha og mga
deposyonal sa mga
bata sa ubang mga
pinulongan!

Gusto sa Dios nga ang Iyang mga anak magpadayon sa pagkat-on ug pagtubo.

Ang memoryahon nga bersikulo karong adlaw nagtudlo kanato nga dugangan og kahibalo ang atong pagtuo. Nagpasabot kini nga angay kitang magtinguha nga makakat-on ug makasabot og dugang matag adlaw. Kung magtuon ka sa imong Bibliya, magbasa og maayong mga libro, ug maminaw pagayo kung gitudlo ang Pulong sa Dios, moligon ug mahimong mas maalamon ang imong hunahuna.

Ang kahibalo makatabang kanimo sa paghimo og mas maayong mga desisyon ug pagkinabuhi nga malampuson. Dili gusto sa Dios nga magpabilin nga walay kahibalo ang Iyang mga anak. Hinuon, gusto Niya nga motubo ka sa kaalam ug pagsabot. Busa pagbaton og kaikag, pangutana, ug kalipay sa pagkat-on og mga bag-ong butang nga makatabang kanimo nga mahimong mas maayo matag adlaw.

Pagbasa sa Kasulatan- Mga Panultihon 4:7

Minahal ug matarong nga Amahan, salamat sa pagtudlo kanako pinaagi sa Imong Pulong. Tabangi ako nga motubo sa kaalam ug kahibalo matag adlaw samtang nagkat-on ug nagtuon ako, sa ngalan ni Jesus. Amen.

**Mag-
ampo
Kita**

29

Dominggo

23

Pilia Ang Kahibalo Nga Makapalambo Kanimo

Oseas 4:6

**Ang akong katawhan nangalaglag tungod sa
kakulang sa kahibalo...**



Dili tanang kahibalo kay makatabang, busa importante nga pilion ang hustong klase niini. Gusto sa Dios nga pun-on nimo ang imong kasingkasing ug hunahuna sa kahibalo nga makapalig-on kanimo.

Ang labing maayong kahibalo naggikan sa Pulong sa Dios tungod kay nagtudlo kini kanimo kon unsaon pagkinabuhi, paghunahuna, ug paghimo og maalamong mga desisyon. Kon tun-an nimo ang Bibliya ug maminaw sa mga pagtulon-an nga gikan sa Dios, molig-on ang imong pagtuo.

Kining matang sa kahibalo makatabang kanimo nga motubo ug mahimong talagsaong tawo sumala sa plano sa Dios alang kanimo. Pilia kanunay ang pagkat-on sa mga butang nga makapalig-on sa imong pagtuo ug makatabang kanimo nga mahimong mas maalamon, mas lig-on, ug mas maayo pa matag adlaw.

Pagbasa sa Kasulatan- Colosas 1:9

**Ang Pulong sa Dios nagpuno
sa akong hunahuna sa kaalam
ug pagsabot. Nagkalig-on ug
nagkamaalamon ako matag
adlaw samtang nagkat-on
ug nagsunod ako sa Iyang
kamatuoran. Aleluya!**

30

**Isulti
Kini**

Lunes
24

Lakaw Diha Sa Kamatuoran Sa Dios

3 Juan 1:4

Wala akoy labaw nga kalipay kay sa pagkadungog nga ang akong mga anak nagalakaw diha sa kamatuoran.



Malipay ang Dios kon ang Iyang mga anak maglakaw diha sa kamatuoran. Ang paglakaw diha sa kamatuoran sa Dios nagpasabot sa pagkinabuhi subay sa Iyang Pulong matag adlaw.

Miingon si Jesus nga Siya ang kamatuoran (Juan 14:6), ug ang Pulong sa Dios kamatuoran usab. Kon basahon nimo ang Bibliya ug buhaton ang gitudlo niini, naglakaw ka diha sa kamatuoran. Makatabang kini kanimo sa paghimo sa hustong mga desisyon ug sa pagkinabuhi nga makapahimuot sa Dios.

Ang paglakaw diha sa kamatuoran makatabang usab sa uban nga makita ang kaayo sa Dios pinaagi sa imong kinabuhi. Higugmaa kanunay ang Pulong sa Dios ug sunda kini uban ang kalipay. Samtang buhaton mo kini, ang imong kinabuhi modan-ag pinaagi sa kahayag sa Dios.

Pagbasa sa Kasulatan- Juan 17:17

Mahigugmaong Amahan, salamat sa Imong Pulong nga mao ang kamatuoran. Tabangi ako nga magkinabuhi subay sa Imong Pulong matag adlaw aron makapahimuot ako Kanimo, sa ngalan ni Jesus. Amen.

**Mag-
ampo
Kita**

31

Susiha Ang Kasulatan

**Paspas nga mga Sugyot,
Maalamong mga Pilion!**



Kumusta mga bata! Niining duwaa, ang kinahanglan lang ninyong buhaton mao ang paggamit sa timailhan aron makompleto ang bersikulo, dayon basaha kini og kusog! Paglingaw-lingaw!

Bahin 1

“Pasagdi ang mga gagmay nga mganga moduol Kanako, ug ayaw sila..... kay angsa Dios ila sa mga sama kanila. Sa pagkatinuod, sultihan ko kamo,nga dilisa gingharian sa Dios sama sa usa ka....., dili gayod niini.” Ug gigakos Niya sila, gipatong ang Iyang mga kamot kanila, ug sila.”
Sugyot: (Marcos 10:14-16)

Bahin 2

“Ayaw kamo sa bisan unsa, apan sa tanang butang, pinaagi sa ug pagpangamuyo uban ang pagpasalamat, ipahibalo ngadto sa Dios ang inyong mga; ug angsa Dios, ngapa kay sa tanang pagsabot, ng sa inyong ug mga..... pinaagi kang Cristo Jesus.” Sugyot: (Filipos 4:6-7)

Pun-a Ang Mga Blangko!



**Pun-a ang mga blangko gamit ang husto nga mga pulong gikan sa mga kapilian aron makompleto ang mga bersikulo sa Kasulatan nga gikutlo sa ubos.
Timailhan: Salmo 100:1-5.**

“Managhugyaw kamo ug malipayong1..... ngadto sa Ginoo, kamong tanang mga yuta! Alagara2.... Ginoo uban ang kalipay; Duol3.....sa Iyang presensya uban ang pag-awit. Sayri nga ang Ginoo, Siya mao ang Dios; Siya ang4..... kanato, ug dili kita mismo; Kita ang Iyang5.....ug ang mga karnero sa Iyang sibsibanan. Pagsulod sa Iyang6.....uban ang pagpasalamat, ug sa Iyang7..... uban ang pagdayeg.8.....ngadto Kaniya, ug dayega ang Iyang ngalan. Kay ang Ginoo maayo; Ang Iyang9.....walay katapusan, ug ang Iyang kamatuoran10.....ngadto sa tanang mga kaliwatan.”

Mga Kapilian:

1. Singgit / Kabanha
2. Ang / Atong
3. Sa wala pa / Ngadto sa
4. Gihimo / Gibuhat
5. Mga tawo / Mga bata
6. Mga ganghaan / Mga pultahan
7. Mga sawang / Simbahan
8. Mapasalamaton
9. Kalooy / Grasya
10. Molungtad / Molapad

Martes

25

Ang Espiritu Santo Kay Nagagiya Kanimo

Juan 16:13

Apan, inig-abot Niya, ang Espiritu sa kamatuoran, giyahan Niya kamo ngadto sa tanang kamatuoran...



I-scan aron aron sa dugang maayong mga materyales alang sa mga bata.

Gihatagan kita sa Dios og usa ka talagsaong Magtatabang nga gitawag og Espiritu Santo. Gitawag Siya sa Bibliya nga Espiritu sa kamatuoran tungod kay nagtabang Siya kanato nga makasabot sa Pulong sa Dios.

Kung maminaw ka Kaniya, gigiyahan ka Niya sa pagbuhat sa husto ug gitabangan ka nga makalikay sa mga sayop nga desisyon. Ang Espiritu Santo nagpahinumdom kanimo sa mga pulong sa Dios diha sa Bibliya ug nagtabang kanimo sa pagkinabuhi subay niini. Dili ka gayod mag-inusara kay ang Espiritu Santo kanunayng nag-uban kanimo.

Samtang maminaw ka Kaniya ug mosunod sa Iyang giya, magpadayon ka sa paglakaw diha sa kamatuoran matag adlaw.

Pagbasa sa Kasulatan- Juan 15:26

Ang Balaang Espiritu kay nagpuyo kanako ug naggiya kanako ngadto sa kamatuoran. Naminaw ako sa Iyang tingog, ug naglakaw diha Pulong sa Dios kada adlaw. Aleluya!

34

**Isulti
Kini**

Miyerkules

26

Ipuyo Ang Pulong

2 Corinto 4:2

Apan among gisalikway ang tinago nga mga butang sa kaulaw... apan pinaagi sa pagpadayag sa kamatuoran nagatugyan sa among kaugalingon ngadto sa konsensya sa matag tawo sa atubangan sa Dios.



I-scan aron makakuha og mga debosyonal sa mga bata sa ubang mga pinulongan!

Gusto sa Dios nga makita ang Iyang Pulong diha sa imong kinabuhi. Naghisgot ang Bibliya bahin sa pagpadayag sa kamatuoran—ang pagpakita sa kamatuoran sa Dios pinaagi sa imong pamaagi sa pagkinabuhi. Labaw pa kini kay sa paglitok lamang sa mga hustong pulong; kini ang pagkinabuhi subay sa Pulong matag adlaw.

Kung mosulti ka sa kaayohan, magpakita og gugma, mopasaylo sa uban, ug molihok subay sa giingon sa Bibliya, gipakita nimo ang Pulong sa Dios. Ang imong kinabuhi mahimong sama sa usa ka sulat nga mabasa sa mga tawo, nga nagpakita kanila sa kaayo sa Dios.

Mao kana ang bahin sa Kristiyanidad—ang pagkinabuhi subay sa Pulong ug ang pagtugot niini nga modan-ag pinaagi kanimo bisan asa ka moadto.

Pagbasa sa Kasulatan- Santiago 1:22

Mahigugmaong Amahan, salamat sa Imong Pulong nga nagpuyo sulod kanako. Ang akong kinabuhi nagpakita sa Imong kamatuoran, gugma, ug kaayo bisan asa ako moadto, sa ngalan ni Jesus. Amen.

Mag-ampo Kita

35

Huwebes

27

Natawo Gikan Sa Pulong

1 Pedro 1:23

Kay natawo kamo pag-usab, dili gikan sa binhi nga madunot kondili sa dili madunot, pinaagi sa pulong sa Dios nga buhi ug nagpabilin hangtod sa kahangtoran.



I-scan aron matagamtam ang mas makapadasig nga mga pagtutulan-an gikan ni Pastor Chris.

Sa dihang gidawat nimo si Jesus, adunay kahibulongang butang nga nahitabo—natawo ka pag-usab pinaagi sa Pulong sa Dios.

Nagpasabot kini nga ang kinabuhi ug Pulong sa Dios anaa kanimo. Tungod kay natawo ka gikan sa Pulong, makapuyo ka isip anak sa Dios ug makapakita sa Iyang kaayo ngadto sa uban. Sama sa pagkinabuhi ni Jesus subay sa Pulong samtang ania pa Siya sa yuta, gipakita usab nimo ang Pulong sa Dios pinaagi sa imong mga hunahuna, mga pulong, ug mga buhat.

Matag adlaw, mahimo nimong tugotan ang Pulong sa Dios nga mogiya sa imong mga pulong ug mga buhat. Hinumdomi, natawo ka gikan sa Pulong, ug ang imong kinabuhi nagdan-ag uban sa kamatuoran ug panalangin sa Dios.

Pagbasa sa Kasulatan- Santiago 1:18

Natawo ako gikan sa Pulong sa Dios. Ang Iyang Pulong nagpuyo sulod kanako, ug ang akong kinabuhi nagpakita sa Iyang kaayo matag adlaw. Aleluya!

36

**Isulti
Kini**

Biyernes

28

Ikaw Kay Usa Ka Bag-ong Binuhat

2 Corinto 5:17

Busa, kon ang tawo anaa kang Cristo, siya usa ka bag-ong binuhat; ang mga karaan nangagi na; tan-awa, ang tanan nahimo nang bag-o.



Sa dihang gidawat nimo si Jesus, adunay talagsaong nahitabo—natawo ka pag-usab. Nagpasabot kini nga nahimo kang bag-ong binuhat diha kang Cristo. Gihatagan ka sa Dios og bag-ong kinabuhi pinaagi sa Iyang Espiritu. Ang imong kinabuhi karon naggikan kang Jesus, ang Ginoo gikan sa langit.

Bisan pa og pareho ra ang imong panagway sa gawas, adunay nindot nga kausaban nga nahitabo sa imong sulod. Kabahin ka na karon sa pamilya sa Dios ug anaa kanimo ang kinabuhi sa Dios. Tungod niini, makapuyo ka uban ang kalipay, pagsalig, ug kadaugan matag adlaw. Hinumdomi kanunay kung kinsa ka—usa ka bag-ong nilalang nga adunay kinabuhi sa Dios nga nagdan-ag diha kanimo.

Pagbasa sa Kasulatan- Galacia 6:15

Ako kay usa ka bag-ong binuhat diha kang Cristo. Ang kinabuhi sa Dios ania kanako, ug nagkinabuhi ako uban ang kalipay, kadaugan, ug kalig-on matag adlaw. Aleluya!

**Isulti
Kini**

37

Sabado

29

Gipadan-ag Nimo Ang Kahayag Sa Dios.

Mateo 5:14

**Kamo ang kahayag sa kalibotan. Ang siyudad
nga nahimutang sa bungtod dili matago.**



I-scan aron aron sa
dugang maayong mga
materiyales alang sa
mga bata.

Isip anak sa Dios, ang Iyang kinabuhi nagdan-ag diha kanimo sama sa hayag nga kahayag. Nag-ingon ang Bibliya nga ikaw ang kahayag sa kalibotan.

Kini nagpasabot nga ang imong kinabuhi makatabang sa uban nga makakita sa kaayo sa Dios. Kung maayo ang imong pagsulti, ipakita ang gugma, ug buhaton kung unsa ang giingon sa Pulong sa Dios, gipadan-ag nimo ang Iyang kahayag. Sama sa suga nga modan-ag sa ngitngit nga lawak, ang imong kinabuhi makapadan-ag sa kalibotan sa imong palibot.

Bisan asa ka moadto—sa balay, sa eskwelahan, o uban sa mga higala—mahimo nimong ipadan-ag ang kahayag sa Dios pinaagi kanimo. Hinumdomi, ang kahayag sa Dios anaa kanimo, ug kini naghatag og panalangin sa tanan sa imong palibot.

Pagbasa sa Kasulatan-1 Juan 4:17

**Mahigugmaong Amahan, salamat
sa paghimo kanako nga imong
kahayag. Ang akong kinabuhi
nagdan-ag sa imong gugma ug
kaayo bisan asa ako moadto, sa
ngalan ni Jesus. Amen.**

38

**Mag-
ampo
Kita**

Dominggo

30

Ang Espiritu Santo Naghimo Kanimong Nga Maisog

Efeso 5:18

Ug ayaw kamo paghubog sa bino, nga maoy hinungdan sa pagpatuyang; hinuon, pagpuno kamo sa Espiritu.



Ang Espiritu Santo kay naghatag sa mga anak sa Dios og kaisog. Sa wala pa madawat ni Pedro ang Espiritu Santo, nahadlok siya ug miingon pa gani nga wala siya makaila kang Jesus (Mateo 26:69–75).

Apan human siya napuno sa Espiritu Santo, adunay dakong kausaban nga nahitabo. Nahimong maisog si Pedro ug misulti mahitungod kang Jesus atubangan sa daghang mga tawo. Ang maong Espiritu Santo nagpuyo usab diha kanimo karon.

Basin gusto kang modapit og higala sa simbahan o makig-istorya bahin sa Dios sa eskwelahan. Ang Espiritu Santo motabang kanimo sa pagsulti uban ang pagsalig ug kalipay. Uban Kaniya diha kanimo, kanunay kang makahimo nga maisog.

Pagbasa sa Kasulatan-2 Timoteo 1:7

Mahalon nga Amahan sa langit, salamat sa Espiritu Santo nga nagpuyo sulod kanako. Gihimo Niya akong maisog ug malipayon sa pagpaambit sa Maayong Balita ni Jesus bisan asa ako moadto, sa ngalan ni Jesus. Amen.

**Mag-
ampo
Kita**

39

Lunes

31

Pabilin Nga Puno Sa Espiritu

Mga Buhat 4:31

Uban Kaniya diha kanimo, kanunay kang makahimo nga maisog.



Gusto sa Dios nga ang Iyang mga anak magpabiling puno sa Espiritu Santo. Kung mag-ampo ka pinaagi sa mga pinulongan, mag-awit og mga awit nga espirituhanon, ug magpasalamat sa Dios, molig-on ang imong espiritu.

Nag-ingon ang Bibliya nga ang pag-ampo pinaagi sa mga pinulongan kay makapalig-on kanimo (Judas 1:20). Makatabang kini kanimo nga mahimong maisog ug puno sa kalipay. Sama nga ang pagkaon og masustansyang pagkaon makapalig-on sa imong lawas, ang paggahin og panahon sa pag-ampo ug pagsimba sa Dios makapalig-on sa imong espiritu.

Mahimo nimo kini bisan asa—sa balay, sa simbahan, o samtang hilom nga nag-ampo. Samtang nagpadayon ka sa pagbuhat niining mga butanga, ang Balaang Espiritu mopuno sa imong kasingkasing og kaisog, pagtuo, ug kalipay kada adlaw.

Pagbasa sa Kasulatan- Judas 1:20

Ang Espiritu Santo nagpuyo sulod kanako. Nag-ampo, nag-awit, ug nagpasalamat ako, ug ang akong espiritu lig-on ug puno sa kalipay. Aleluya!

40

**Isulti
Kini**

KINSA MAN AKO?



Basaha pag-ayo ang matag mubo nga istorya sa ubos. Ang matag usa naghubit sa usa ka karakter sa Bibliya. Gamita ang sugyot sa Kasulatan sa paggiya kanimo. Hinumdomi nga isulat ang ilang ngalan sa blangko.

1. Ako ang usa ka tigdala sa hinagiban alang sa gamhanang Hari sa Israel. Giatiman nako ang mga karnero sa akong amahan sa wala pa ako mahimong hari. Gipildi usab nako ang usa ka higante nga dako kaayo. Kinsa man ako?

Sugyot: 1 Samuel 16:16-23; 17:45-50.

2. Usa ako ka daotan kaayo nga tawo, apan nagpakita ang Ginoo kanako; nausab ang akong kinabuhi ug nahimo akong mas maayong tawo. Kanunay kong nagsangyaw sa Ebanghelyo ngadto sa mga Hentil. Aduna usab akoy mga higala nga naghimo og mga tolda sama kanako. Kinsa man ako?

Sugyot: Mga Buhat 9:1-15; 18:1-3.

3. Gisugo ako sa Dios sa pagtukod og usa ka dako kaayong arka aron maluwas ako, ang akong pamilya, ug ang mga mananap gikan sa lunop. Sa dihang mihunong na ang ulan ug namala na ang tubig sa lunop, nagtanom ako og ubasan. Kinsa man ako?

Sugyot: Genesis 6:8-22; 9:20-21.

4. Gidala ako sa mga negosyante ngadto sa Ehipto. Nagtrabaho ako alang kang Potipar nga misalig pag-ayo kanako; apan usa ka adlaw, giakusahan ako sa sayop ug gibilanggo. Apan, paglabay sa pipila ka tuig, nahimo akong magmamando sa tibuok yuta sa Ehipto! Kinsa man ako?

Sugyot: Genesis 37:28; 39:20; 41:38-44.

5. Ako usa ka Judio. Gipili ako nga mahimong Rayna. Mitabang usab ako sa pagluwas sa akong katawhan gikan sa kalaglagan. Kinsa man ako?

Sugyot: Ester 2:16-23; 4-8.

Titbits

Ang Kinahanglan Nimong Mahibal-an Bahin sa Pag-ebanghelyo—Bahin 2

Nanghinaut ko nga nalingaw kamo sa pagkat-on gikan sa Pulong sa Dios sa miagi natong edisyon. Niining edisyon sa “Ang Kinahanglan Nimong Mahibal-an” (Mga Butang nga Angay Nimong Mahibaloan), magkat-on kita og dugang mahitungod sa Ebanghelismo. Makalingaw, makapainteres, ug makapadasig kini. Makakat-on kamo og dugang bahin sa ebanghelismo ug sa inyong papel sa pagdaog og mga kalag alang sa Ginoo. Sugdan na nato!

Ang Pag-ebanghelyo Kay Responsibilidad Nimo — Mateo 28:19-20; Marcos 16:15; 1 Timoteo 2:4

Sulod sa taas nga panahon, daghang tawo ang adunay sayop nga panglantaw bahin sa pag-ebanghelyo. Ang uban nagtuo nga alang lamang kini sa mga pastor, mga ebanghelista, o sa mga tawo sa simbahan nga adunay daghang libreng oras.

Apan dili kana tinuod. Usa kini ka limbong nga gigamit sa yawa aron pugnan ang mga tawo sa pagtagamtam sa malipayong kinabuhi nga gitagana sa Dios alang kanila isip mga mananaog og kalag.

Sumala sa atong nakita sa 2 Corinto 5:17-18, ang pag-ebanghelyo—nga nagpasabot sa pagtabang sa mga tawo nga makabalik sa Dios—alang kini sa matag Kristiyano. Sa higayon nga maluwas ka na, gusto sa Dios nga tabangan usab nimo ang uban nga maluwas. Dili angay nga tipigan lang nimo kini nga panalangin alang sa imong kaugalingon! Aduna kay responsibilidad nga isulti ngadto sa mga tawo sa imong palibot ang mahitungod kang Jesus.

Titbits

Gisangkapan Ka Sa Dios Alang Niining Buluhaton —Efeso 4:11-12; Mga Buhat 1:8

Sa Mga Buhat 1:8 ug Efeso 4:11-13, makita nato ang duha ka importanteng mga tudling sa Kasulatan. Gipakita niini kanato nga gihatag sa Dios ang tanan natong gikinahanglan aron masugilon nato ang uban mahitungod kang Jesus ug mahimong maayong mga mananaog og mga kalag.

Ang Mga Buhat 1:8 “Apan makadawat kamo og gahom inig-abot sa Espiritu Santo diha kaninyo; ug mahimo kamong mga saksi alang Kanako sa Jerusalem, ug sa tibuok Judea ug Samaria, ug hangtod sa kinatumyan sa yuta.”

Ang Efeso 4:11-12 “Ug Siya mismo naghatag sa uban aron mahimong mga apostoles, ang uban mga propeta, ang uban mga ebanghelista, ug ang uban mga pastor ug mga magtutudlo, alang sa pagsangkap sa mga balaan alang sa buluhaton sa pag-alagad, alang sa pagpalig-on sa lawas ni Cristo”

Ang Bentaha sa Usa ka Mananaog og mga Kalag — Mga Buhat 1:8

Samtang magsugod ka sa pagsulti sa uban mahitungod kang Jesus ug pagtabang kanila nga makaila sa Dios, mahimong sulayan ni Satanas nga pugngan ka o pahinayon ang imong paglihok. Nagpasidaan si Jesus kanato bahin niini diha sa Bibliya (Lucas 21:34).

Apan ania ang imong sekreto aron kanunay kang magpabiling lig-on, malipayon, ug malampuson sa pagdaog og mga kalag—ang Espiritu Santo. Una, kinahanglan nimong dawaton Siya. Dayon, kinahanglan nga padayon kang mapuno Kaniya matag adlaw.

Sa Mga Buhat 1:8, gisultihan ni Jesus ang Iyang mga tinun-an nga maghulat hangtod madawat nila ang Espiritu Santo. Kon gikinahanglan nila Siya, nan gikinahanglan usab nimo Siya.

MGA TUBAG

Panid 32

Susiha ang Kasulatan

Bahin 1

“Pasagdi ang mga bata nga moduol Kanako, ug ayaw sila pagpugngi; kay ang gingharian sa Dios ila sa mga sama kanila. Sa pagkatinuod, sultihan ko kamo, bisan kinsa nga dili modawat sa gingharian sa Dios sama sa usa ka bata, dili gayod makasulod niini.” Ug gigakos Niya sila, gipatong ang lyang mga kamot kanila, ug gipanalanginan sila.”

Sugyot: (Marcos 10:14-16)

Bahin 2

“Ayaw kamo kabalaka sa bisan unsa, apan sa tanang butang, pinaagi sa pag-ampo ug pagpangamuyo uban ang pagpasalamat, ipahibalo ngadto sa Dios ang inyong mga hangyo; ug ang kalinaw sa Dios, nga labaw pa kay sa tanang pagsabot, kay magbantay sa inyong mga kasingkasing ug mga hunahuna pinaagi kang Cristo Jesus.”

Sugyot: (Filipos 4:6-7)

MGA TUBAG

Panid 33

Pun-a Ang Mga Blangko!

"Managhugyaw kamo ug malipayong **kabanha** ngadto sa Ginoo, kamong tanang mga yuta! Alagara **ang** Ginoo uban ang kalipay; Duol **ngadto sa** Iyang presensya uban ang pag-awit. Sayri nga ang Ginoo, Siya mao ang Dios; Siya ang **gibuhat** kanato, ug dili kita mismo; Kita ang Iyang **mga tawo** ug ang mga karnero sa Iyang sibsibanan. Pagsulod sa Iyang mga **ganghaan** uban ang pagpasalamat, ug sa Iyang mga **sawang** uban ang pagdayeg. **Magmapasalamaton** ngadto Kaniya, ug dayega ang Iyang ngalan. Kay ang Ginoo maayo; Ang Iyang **kalooy** walay katapusan, ug ang Iyang kamatuoran **molungtud** ngadto sa tanang mga kaliwatan."

Mga Kapilian:

1. Kabanha
2. Ang
3. Ngadto sa
4. Gibuhat
5. Mga tawo
6. Mga ganghaan
7. Mga sawang
8. Magmapasalamaton
9. Kalooy
10. Molungtud

MGA TUBAG

Panid 41

KINSA MAN AKO?

1. David

(Basaha: 1 Samuel 16:16-23, 17:45-50)

2. Apostol Pablo

(Basaha: Buhat 9:1-15, 18:1-3)

3. Noe

(Basaha ang Genesis 6:8-22, 9:20-21)

4. Joseph

(Basaha: Genesis 37:28; 39:20; 41:38-44)

5. Ester

(Basaha ang Ester 2:16-23, 4-8)

VANISH

A RAPTURE STORY

IN A TWINKLE OF AN EYE, EVERYTHING CHANGES




**NOW
AVAILABLE**

THE ANIMATION MOVIE VANISH SHARES A PROFOUND STORY OF THE END TIME, PREPARING THE HEARTS OF CHILDREN FOR ETERNITY. BORN FROM A VISION TO REACH CHILDREN EVERYWHERE, VANISH CARRIES A MESSAGE OF HOPE AND READINESS FOR THE RETURN OF JESUS. ITS MISSION IS CLEAR—TO TOUCH ONE BILLION YOUNG LIVES ACROSS THE WORLD.

FOR MORE INFORMATION ON SPONSORSHIP KINDLY VISIT

www.thevanishmovie.org



PAG-AMPO SA KALUWASAN

Isulti Kini : “O Ginoong Dios, mituo ako sa tibuok kong kasingkasing kang Jesucristo, Anak sa buhi nga Dios.

Nagtuo ko nga Siya namatay alang kanako ug ang Dios nagbanhaw Kaniya gikan sa mga patay. Nagtuo ko nga buhi Siya karon. Ikumpisal ko sa akong baba nga si Jesucristo mao ang Ginoo sa akong kinabuhi sukad niining adlaw. Pinaagi Kaniya ug sa Iyang Ngalan, Ako adunay kinabuhing dayon; Natawo ako pag-usab. Salamat, Ginoo, sa pagluwas sa akong kalag! Ako karon anak sa Dios. Aleluya!”

48

Pagpahalipay! Ikaw karon kay anak na sa Dios.

BAHIN SA TAGSULAT

Si Pastor Chris Oyakhilome, ang Presidente sa LoveWorld Inc., kay usa ka dinamiko, daghang bahin, kalibutan-on nga ministeryo, mao ang tagsulat sa Rhapsody sa mga Reyalidad, ang #1 nga adlaw-adlaw nga debosyonal sa kalibutan, ug labaw pa sa 30 ka ubang mga libro. Siya kay usa ka dedikadong ministro sa Pulong sa Dios kansang mensahe nagdala sa reyalidad sa diosnong kinabuhi ngadto sa mga kasingkasing sa kadaghanan, lakip ang mga bata.

Bilyones ang naapektuhan sa iyang mga sibya sa telebisyon sama sa "Your LoveWorld Specials," ug ang "Healing Streams Live Healing Services." Ang sakup sa iyang ministeryo sa telebisyon nagsangkad sa tibuuk kalibutan nga adunay mga network sa telebisyon sa LoveWorld nga satellite, nga naghatud sa kalidad nga programa sa Kristiyano sa usa ka kalibutan-on nga mamiminaw.

Sa bantogan sa kalibutan nga Healing School, iyang gipakita ang mga buhat sa pagpang-ayo ni Jesu-Cristo ug nakatabang sa daghan nga makadawat sa kaayohan pinaagi sa paglihok sa mga gasa sa Espiritu.

Si Pastor Chris adunay kahinam nga maabot ang mga tawo sa kalibutan uban sa presensya sa Dios-usa ka balaan nga sugo nga iyang natuman sulod sa kapin sa 40 ka tuig pinaagi sa nagkalain-lainng outreaches, krusada, ingon man sa uban pang mga plataporma nga nakatabang sa binilyon nga makasinati sa usa ka madaugon ug may katuyoan nga kinabuhi diha sa Pulong sa Dios.

BAHIN SA LIBRO

Ang Rhapsody sa mga Reyalidad para sa mga Unang Magbabasa nakapalipay kaayo sa pagkat-on sa Pulong sa Dios

Ang artikulo sa matag adlaw nagpresentar sa Pulong sa Dios sa makapahinam nga paagi ug nagtabang sa pag-ugmad sa mga bata sa disiplina sa pagtuon sa Pulong sa Dios sa usa ka organisado nga sumbanan. Ang matag debosyonal nga artikulo naglakip sa pag-ampo o pagkumpisal aron matabangan sila nga mapraktis ang ilang nakat-unan.

Uban ang makalingaw nga mga bahin sama sa mga kamatuoran sa Bibliya, Crossword Puzzle, Pun-a ang mga Blanko ug daghan pa, Ang Rhapsody sa mga Reyalidad para sa mga Unang Magbabasa maoy kompletong resipe sa Pulong sa Dios nga makatabang sa pag-amuma sa ilang mga espiritu!